



GIUSEPPE CABIZZOSU

BIBLIOTECA

www.giuseppcabizzosu.it

Battista Corona
(Ulassai 26/10/1898 - 30/10/1982)

**Poesie scelte
in lingua sarda**



GIUSEPPE CABIZZOSU

BIBLIOTECA

www.giuseppcabizzosu.it

Battista Corona

(Ulassai 26/10/1898 – 30/10/1982)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Battista Corona

(Ulassai 26/10/1898 – 30/10/1982)

Di Ulassai.

A is bagadius

1.

O Soriginu 'e conca primu sese
in Gairu d'anti donau una flora
e i su figliu est bagadiu ancora
nara ca s'annu non adi arribau.
Adoricu Moddissi, su sdiciau,
pascendu su greggi est sempri fora
ca de amori non at passioni
impari cun Virgiliu Marroni.

2.

E candu indadi a nascir'una bella
pò da podid'ammirai custus dusu
Attiliu Nieddu, in sa carrella
de amori unu libru ad infùsu
nara chei Maria Gabriella
ca de amori no ndagatas prusu
chi at bellesas sena paragoni
pò da sposai Giuanni Longroni.

3.

Ita chi podi tenneri cussa sorti
Po pagu sindigu non d'anti nomenau
i Alfìu cun Fulviu Chillotti
ma Mariu su polu iat passau
ca is bellas non d'anti ammirau
fùnti sena e amori unu cunfortu
paris cun Antiogu Conca 'e Mortu.

4.

Antoni Puddu e Castangia cummercendu
E cantu custus fùnti andendu a fini
mancu cuddas bellas de Osini
ai custus dusu fùnti incantendu.
Franciscu Orrossi puru esti sceddendu
ma non orcidi ca torrada a pruni
e tottus fùnti andendu scedda-scedda
paris cun cudda ditta 'e Lorighedda.

5.

E ita chi ddis pigat s'ulcemia
non anti a chi dus curai mischineddus
in su stradoni du esti Giuanni Caria
paris cun is picciocus Saleddus

a Campidanu andanda a mezzadria
mancu in cui fùnti cunvincendudeddusu
ca de amori non teninti briu
ca funti beccius comenti a i su siu.

6.

Dognia alber'in beranu anca fiorid
e su chi non fiorid si scoloridid
Antoni Podda e Tomasu Liori
i nanta ca de gai no est s'ora
ma de is Lioris bindad'ancora
e nisciunu i pensa ca i si mori
e senza isposa e funti bivendu
ponendu in pena a chi esti aspettendu.

7.

Ponendi in pena a chi est'in sospiru
ca s'amori i fai delirai
in bireossu du est Mimminu Lai
a is picciocas non donad'ammiru
e is Murteddus cun falsu raggiru
de terras si sighinti a impossessai
e rivoltendu terras cun su trattori
ma pero non pensant'a s'amori.

8.

De amori nisciunu non fùedda
solu de terras a s'impossessai
comenti a fattu Giuliu Conchedda
unu altari unu niu prò pregai,
i ancora cuddu Antoni Pilleda
e in sa Perda Scaglia pò iscarsai
solu intentus a fornire s'armenta
ma pò s'amori manc'una ndi contenta.

9.

Poi de Funtana 'e Seri cudda fùntana
canni de abba frisca sesi carriga
ma in cui du adi solu politica
e de amori mancu indi trattana
sa ditta Chillotti est pagu andada
e cun Antoni Cannas pagu gicca
custus punì funti a furriai terra
ma pò s'amori non fainti guerra.

10.

Non podid camminai certu a fini
a chini non adi de amori passione

i saludus puru Antoni Crua
e ancora a Virgiliu Longroni
a Chicchinu Cardafù, su marroni,
Massiminu Chiru non est arti sua
essendu de femmina bisongiosu
non s'attrivinti ca funti bregungiosusu.

11.

Santu Giuanni Battista in su desertu
trint'annus i fùdi a pregai
spieghendu s'amori e i s'affettu
prangendu ca si fu deviu ingannai
ma Santu Franciscu de coru nettu
cun Santa Clara si fu depiu coiai
de amori a fattu figlius tantus
e de amori si fùnti fattus Santus.

12.

De amori si anta tentu spramas
de amori si anta tentu arrecreu
no ada amori Aurelliu Cannas
ses cantendu in su Runcu de is Musuleus
in Coro Meu de is fradis 'Argius
cun cantu de amori non de lamas
e ca s'amori sianta scordau
Attiliu Mulas cun Alberu 'e Pau.

13.

Custus funti is erois de su desertu
attentus a s'insoru mestieri
Antoni Chessa esti in su Alisteri
Giuanni Podda puru in pagu trettu
a s'amori funti fendu dispettu
nanta ca est meglius su biviri sarteri
aici funti senza de arriolus
e nanta ch'es meglius a biviri solus.

14.

Donniunu esti a bidea sua
ma tandu non est curpa de destinu
comenti a fatta cuddu Peppi Crua
i ancora Cannas Costantinu
ca i funti in mesu su caminu
e nisciuna personi
e s'unu e s'aturu fainti dolu
tota sa vida sen'e consolu.

15.

E puru medas paranta fronti
mancai biendu lutosus dramas
i ancora su iginu Peppi Cannas
lassendu is figlias cun is mammas
e issus solus bivendu in is montis
de cantu funti fendu troppu mali
incinbuca su codici penali.

16.

Don Puddu donnia di est predichendu
« gioventudi Ulassese ti rovinasa
leaimindi de custas femminas
ca solu est chi mi funti orrovinendu».
I Antoni Marroni est iscurtendu
e timidi ca is orrosas uginti ispinas
e timi ca sa spina du pungidi
e timi ca sa manu di pertungidi.

17.

Ma sa rosa in giugnu s'iscolori
e sas foglias bellas beninti scuttas
ma si di stentas Antiogu Demurtas
fradis Serraus e Mariu Caddori.
tui Adolfu Depau si m'iscurtas
vietta su governu chi non fiori
ca s'amori ses ponendu in olvidus
tui paris cun tottus is fradis Chirus.

18.

Ma poi ddu est Loddo Cesarinu
allirgu che aviatori in bolu
e ma tristu est Crua Giacominu
ca sena sposa es bivendu in dolu
e i cuddu Cannas Efsinu
tottu sa vida sena de consolu
custu a bogi manna i ses bettendu
ca certas ti funti pretendendu.

19.

Chi de amori ancora est sanu
e pò cussu pretendidi una amada
non comenti Antoni Lussianu
cun Albinu e Vittoriu Pingiada
e Antoni Peddoni das contada
chissu a cua dis fia sa manu
non comenti a Egidiu Lai
ca feminas non bolidi amirai.

20.

Ma poi ddu est Loi Pietrinu
in dogni zona i possedi terra
ma s'isposa a manu non afferra
si antada ca esti ancora bambinu
bivid senza de isposa miserinu
e poi mutilau a una perra
est una matta beccia de samucu
e d'ogni femina di addada in su enugu.

21.

E meschinu perdiu adi is guerras
e pò sa tanta gelosia
in cui fùnti puru is fradis Serras
e mancunu de isposa non tenia
e i su tempus pianu i s'avia
e i su tempus sa vida e chena rosa
i a morriri aici est dolori
a morriri sena tenniru un'amori.

22.

Gagarin andau est a sa Luna
tottus pò amor'e cuddas bramas
mira chi bella non d'agattas una
pò dda 'onai a Virgiliu Cannas
e una pò Vittoriu 'e Pramas
perou t'avvertu chi non sia bruna
ca mancai tengianta cinquanta
custus sa bellesa i da sceddanta.

23.

Ma sa bellesa es de s'aremigu
giai d'anti nau de continu
eita es fendu Chicchinu Fustigu
e i cuddu Murgia Vittorinu
e i cuddu Loi Giovanninu
ca de s'amori non fainti stigu
erricus de amori menti priva
e ch'anti fattu una cooperativa.

24.

Dana fattu a insoru riguardu
pò si campai a s'ora de sa morti
su de arrestai esti a Ricardu
e ancora a Cesiri Chillotti
Efisinu Lobina esti a de notti
cun Antoni Depau can'e a zardu
cust'ultimu teniada amori in vena

a cabetesu bivendu in terr'anza.

25.

Ma es giustu figliu allevai
ca sa terra bisongiosa i fiada
non comenti a Egidiu Sollai
i ancora a Mariu Pilia
e i cudd'atteru Antoni Usai
e ca mancunu isposa non teniada
ca s'an fattu sa limba pebedda
paris cun cuddu Attiliu Aledda.

26.

Ulassai es troppu in agonia
e is picciocas fainti frastimai.
Iscuras! Candu essinti a cresia
mancunu non das podidi amirai
Cesiri Murgia seracu non tenia
non teni tempus de das corteggiari
e i su matessi est Fielu Chillotti
non tenid tempus de ddis fai corti.

27.

Ma in segus toccad'a torrai
e pò non di faddiri in sa carrera
Giuanni Usai e Vittoriu Pratera
sa cassa anti deppiu riservai
pò sidda passai a sa ligera
ma s'amori s'ghinti a scordai
comenti faidi d'ogni cassadori
ca pò sa cassa abbandonanta s'amori.

28.

A riservau sa cassa a sa vera
pero de amori anca si priva
a Mimminu Dottori sa pischera
at fattu de s'isca de sa fai sa riva
ma b'est tottus de sa cooperativa
chi ama de puliri sa giunchera
ca su canneddu non poninti cura
e morinti de maladia dura.

29.

Morinti e no ddis agatanta megina
ca non ana amori e passioni
e i cudd'atturu Cesiri Prattina
donnia di mesurendu carsonisi
e cun Fiele Mura is carsadorisi

però seghendundeddi est sa chisina
e cun Chicchinu Serra candu attopada
ma mancunu de femmina nde toccada.

30.

Mancunu de issus tenta s'arriscu
ca non si olinti a femmina suggettusu
e i cudd'atturu Cossu Franceschinu
in Neuletta est fendu progettusu
ma de amori non iscurtad discu.
is fradis Vargius is prus perfettusu
non an seraccu su greggi a pasculai
e in s'amori sighinti a istentai.

31.

Ma chi s'istentanta nc'indai tantis
chi fündi fendu a s'amori unu delittu
is Preideddus, is fradis Marcantis
una pagina de calma anti scrittu
e mancai chi Ebreus errantis
che is capus tribù dae s'Egittu
erricus i teninti onnia cosa
ma perou non teninti una sposa.

32.

Bind'at chi de amori passioni
e di amori potentis sospirusu
is Cucchigieddus e is picciocus Tragonis
Vittoiu Pirastu e is Papobilus
Mariu Aboru faendu regirusu
cun Cesiri Pettorra in is contonis
in donnia trettu parenduru lassusu
paris cun cudda ditta de is Scassusu.

33.

Ca parinti amori in sa carrera
però du scinti giai is pulisias
Attiliu Serra e Emiliu Pratera
comenti is sorrestas bagadias,
ma Augustu Depau esti in s'aera
che Plutoni non atterraiasa
candu iada furau a Proserpina
de Sicilia sa prusu ballerina.

34.

A una mamma ebbia as postu in dolu
chi oli fizza bona aspetta e ispera
ma candu es pò curai una consolu

mancu una mamma non si dispera
e lacrimas calendu dai saere
naschidi ligusu in su venetu polu
e pò non di portai tantu a famini
siddia lassada torrai in parti in sannu

35.

E' certu ca una mamma sa dolora
candu indi fainti una simili offesa
Santu Giuseppe cun nostra Signora
a cuorigiau tanta a sa beccesa
fattu tanta unu figliu cun bellesa
e de aicci non di a nasciu ancora
ca candu is amorada a fura
pari chi nasciada cun pius bellura

36.

Ma is Ulassesusu i timinti is arcanusu
e pò non di torrai corcodgas
e fainti comenti anti fattu is Romanus
candu ianta furau is sabinas
in su primu tempus gherras e i sfidasa
ianta fatto toni amoris sanus
e mancai fùradasa cun abusu
du sianta stimausu dae prusu

37.

Ca s'amori tocca sa favella
e i rendi s'ornine felici
ca fine danti cantau in sa cella
a s'amori sua Beatrice
o gioventudi custu canto errici
ca sa vida de coiau es prus bella
chi non ti lassada tenniri arriolu
ca s'omini non bolidi bivi solu

38.

Ormai s'apu cantau sa cansoni
però scusai non teni bellesa
e meda già apu onau attensioni
a nisciunu pò non fai offesa
ma de Vittoriu Podda su onori
chi at fattu a sa finas beccesa
es chi m'at dai a cantai motivu
e i su figliu nd'esti ancora privu.

Po is pastoris chi ddus anti esiliaus curpa de airi rimboschiu su Taccu

(Battista Corona – 1976)

Ulassa sona sa campana trista
Po depiri interrai is pastoris
Sos chi curana penas e doloris
Candu in Mau manca sa provvista.
Curpa de sa giunta comunista
Ca s'est posta pro riformadori
Ca pro no isciri amministrai
Is pastoris faidi esiliai.

Su chi daiana cunfortu
Iscurusu funti esiliausu
Ca sa terra a s'usu de pascolu han connottu
Tottu a pinos funti piantausu
Ma non donana perunu cunfortu
Si de famini enini apprettausu
E mancu sa persona insoro es sana
Chi ddis manca sa petta e casu e lana.

Ulassa t'ana postu in antu arcanu
E cantu t'ani causau malis
A Taccu po pigai su eranu
Poberittu non tocca Giacu Salis.
Is Serrigeddos funti in Campidanu
Po dovere ingrassare sos mannalis
Curpa de sa giunta chi a fattu abusu
Ca a Taccu non torrana prusu.

Est istau che una tempesta
Chi su Taccu at furriau abba susu
Cun is crabas non torrada a foresta

Cuddu poberittu Peppi Agus
Curpa de sa giunta dionesta
E ma godiri chi si godana pagus
Iscuru de sa ibba s'iscaresci
Ca confinadu esti in Abbaimbessi

Anti fattu comente a Neroni
Chi at fattu una legge disumana
Po appagai sa sua passioni
Iat fattu sa fiaccola umana
Gavia a sa bottega de Peddoni

Non andat ca su greggi est allontanu
E po curpas insoru anca si moridi
Ca de su inu durci pius non godidi.

Is canalis tantu bellusu
Es pos pastoris zona cara
Is Chirus pro allevare sos vitellos
E po tennere a vista a Sant'Arbara
Immoi ana postu sos cancellos
Chi at votau custa legge avara
E tottu sos pastoris i bi strumenta
Ca non cantana prusu in Molimenta.

Sa curpa est de Emiliu Primau
Comente ca molincu at fattu abusu
At cundennau sos connaus susu

E Carletto cun Pretore est in Ballau
Ca in cussu logu non ha cannonau
Ma su dolu prus mannu es pro Pretori
Ca est attesu pro fagher s'amori.

Oscurusu lu s'an postus in arcanu
Senza de umanu cuncettu

Antiogu Mulas e Efisiu Galanu
Ca calant'a a bi corcai in lettu
Antoni Mulas non es prus sanu
Ca de pasciri a Taccu ia s'aspettu
Ai cuddus chi donana sos votos
E cun crudelidade lu s'an mortos.

Su cantatore de Siligu
E chi in Ulassa s'essiri agatau
Pro devere cantai unu inemigu
E chi is pastoris adi oltraggiau
Su chi arene coltivadu a trigu
Pro su populu arene isfama
Ma su pinu niente non rende
A chie de su famini es morende.

In Pustabargius postu ana una posta
Oi, caru pastori, si lu creisi
De su babbu de Armandu sas berbeis
Chi de antighidade l'an connotta
Che assessori fattu at certas leis
Ca de pasciri a Taccu aia usu
Ma crasa a Taccu non pasci prusu.

O poberus pastoris miserinus
Es certu lis toccada emigrai
Ma crasi a Sant'Arbara po festai
Ca sa giunta bi colada is pinus
Angionisi e crabittus genuinusu
E po sentiri si devene isfamai
Oi consighiu fattu ndas de bene
Ca su populu as postu in gherghene.

Cantendu custu fattu m'addoloru
Ca ndi suffridi tottu su comunu

Ca pro fairi parti solu a unu
Privana certos de su logu insoru
Ma pro su fattu de su malu decoru
Is ulassesusu emigrende i bi sunu
Ma pro i rimboschiri certas terras
C'ana fattu una legge terrorista
Ulassa sona una campana trista.